



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O KRITERIJIMA I NAČINU SUFINANSIRANJA KULTURNO-UMJETNIČKIH
DRUŠTAVA SA TRADICIJOM
(Prijedlog)

Predlagač: Gradonačelnica
Obrađivač: Gradska služba za
obrazovanje, sport, kulturu i mlade

Sarajevo, februar 2024. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva, na __. sjednici održanoj dana __. __. 2024. godine, donijelo je:

(Prijedlog)

ODLUKU
O KRITERIJIMA I NAČINU SUFINANSIRANJA KULTURNO-UMJETNIČKIH
DRUŠTAVA SA TRADICIJOM

POGLAVLJE I – OPĆE ODREDBE

Član 1.

(Predmet Odluke)

Ovom odlukom utvrđuju se kriteriji i način sufinansiranja kulturno-umjetničkih društava sa tradicijom sa područja četiri gradske općine (Stari Grad, Centar, Novo Sarajevo, Novi Grad).

Član 2.

(Kriteriji)

Kriteriji iz člana 1. ove odluke utvrđuju se kao opći i posebni kriteriji:

a) Opći kriteriji

- Kratak opis projekta sa specifikacijom troškova neophodnih za realizaciju i programom rada za tekuću godinu;
- Izvadak iz registra gdje je vidljivo tko je ovlaštena osoba za zastupanje (ne starije od 6 mjeseci);
- Ovjerena fotokopija ID broja;
- Ovjerena fotokopija ugovora sa bankom ili potvrda iz banke o solventnosti računa i transakcijski broj;
- Finansijski izvještaj za one korisnike koji su ostvarili finansijska sredstva u prethodnoj godini.

b) Posebni kriteriji

- Kvalitet i značaj ponuđenih programa, odnosno projekata;
- Uključen veliki broj mladih;
- Afirmacija kulturnog naslijeđa;
- Ostvarena najveća nagrada Grada Sarajeva;
- Ostvareni uspjesi na državnom i međunarodnom nivou;
- Broj učesnika;
- Saradnja sa drugim gradovima u zemlji i inostranstvu;
- Interes javnosti;
- Primjereni i jasni finansijski troškovi sa planom rada za tekuću godinu;
- Međunarodni značaj za Grad Sarajevo;
- Kontinuitet ponuđenog programa;
- Dostupnost programa krajnjim korisnicima;
- Programi, odnosno projekti koji odražavaju multikulturni i multietnički karakter grada.

POGLAVLJE II – NAČIN FINANSIRANJA I NADZOR

Član 3.

(Finansiranje)

Sufinansiranje kulturno-umjetničkih društava sa tradicijom, koji se manifestuje kroz godišnji program rada kulturno-umjetničkih društava sa tradicijom, realizirat će se po osnovu Javnog

poziva, u skladu sa uslovima utvrđenim u Javnom pozivu, Pravilnikom o procedurama za izbor korisnika sredstava po Javnom pozivu u oblasti kulture i ovom odlukom. Finansijska sredstva za ove namjene utvrdit će se u Budžetu Grada Sarajeva na poziciji: Javni poziv za KUD-ove sa tradicijom.

Član 4.

(Način finansiranja)

Na osnovu raspisanog Javnog poziva putem Gradske službe za obrazovanje, sport, kulturu i mlade, Komisija koju imenuje gradonačelnica, razmatra pristigle prijave i na osnovu općih i posebnih kriterija, prioriteta i hitnosti procjenjuje značaj programa, projekta, te sa obrazloženjem prijedloge dostavlja gradonačelnici na potvrđivanje i donošenje konačne odluke.

Lista izabраниh korisnika objavit će se na službenoj stranici Grada Sarajeva www.sarajevo.ba, sa kojima će gradonačelnica potpisati pojedinačne ugovore.

Član 5.

(Nadzor)

Nadzor nad provedbom ove odluke vrši gradonačelnica Grada Sarajeva, putem Gradske Službe za obrazovanje, sport, kulturu i mlade.

POGLAVLJE III – ZAVRŠNE ODREDBE

Član 7.

(Izmjene i dopune)

Izmjene i dopune ove odluke vrši se na način i po postupku za njeno donošenje.

Član 8.

(Stupanje na snagu)

Stupanjem na snagu ove odluke prestaje da važi Odluka o kriterijima za finansiranje amaterizma u oblasti kulture („Službene novine Kantona Sarajevo“, broj 11/08).

Član 9.

(Stupanje na snagu)

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:

Sarajevo, __.__.2024. godine

OBRAZLOŽENJE

PRAVNI OSNOV

S obzirom da ne postoji Zakon o kulturi, pravni osnov za donošenje Odluke sadržan je u članu 31. stav (1) tačka b) Statuta Grada Sarajeva kojim je propisano da Gradsko vijeće donosi odluke, druge propise i opće akte i daje njihovo tumačenje, te u članu 18. (1) u vlastitim nadležnostima Grada Sarajeva „*utvrđivanje osnova zajedničke politike razvoja kulture, fizičke kulture, sporta, odmora i rekreacije građana na području Grada Sarajeva i organizovanje, odnosno učestvovanje u organizovanju kulturnih i sportskih manifestacija i sportskih takmičenja od značaja za Grad Sarajevo*“.

RAZLOZI DONOŠENJA

S obzirom da je u prethodnoj Odluci o kriterijima za finansiranje amaterizma u oblasti kulture iz 2008. godine naznačen rad domova kulture, a isti više ne postoje, izvršena je njihova prenamjena. U nazivu prethodne Odluke sadržana je riječ „amaterizam“ koja je preuzeta od susjedne države, tj. zakonski i podzakonski akti BiH ne prepoznaju „amaterizam u oblasti kulture“. Ujedno, naveden je veći stepen kriterija potrebnih za objavljivanje Javnog poziva prema kojem će se sufinansirati kulturno-umjetnička društva sa tradicijom. Nadalje, veliki broj kulturno-umjetničkih društava svojim radom djeluje preko 50 godina i ostvarili su najveće nagrade koje dodjeljuje Grad Sarajevo (Šestoaprilaska nagrada). S tim u vezi, potrebno je iste, transparentno i srazmjerno, finansijski pomoći od strane Grada Sarajeva.

Imajući u vidu činjenicu da kulturno-umjetnička društva svojim radom i aktivnostima djeluju kao male zajednice kulture u kojima se organizuju razne aktivnosti za sve starosne generacije, rekreativne, takmičarske i obrazovne, Gradskom vijeću Grada Sarajeva predlaže se donošenje ove odluke.

FINANSIJSKA SREDSTVA

Finansijska sredstva za realizaciju ove odluke obezbijedit će se u Budžetu Grada Sarajeva za svaku godinu u skladu sa raspoloživim finansijskim sredstvima.